



04. oktober

UKA 2017/95

Uunga siunnersuut: Kalaallit Nunaanni aalisarnermi pissutsinik akitsuusersuineq pillugu inatsisartut inatsisaat nr. xx, xxx 2017-meersoq
(Aningaasaqarnermut akileraartarnermullu Naalakkersuisoq)

Naalakkersuisut inatsisissatut siunnersuutaannut Siumumiit imaattumik oqaaseqaateqassaagut:

Siumumiit oqaatigissavarput nunatta pisuussutai uumassusillit uumaatsullu tamaasa inuiaqatigiinnut sapinngisaq tamaat iluaqutaanissaat aammalu nunatta karsianut nammaqataallutik nunatsinni ineriartornermut annertunerpaaffissaanik ikorfartuutaasinnaanissaat tapersersortuaratsigu. Pisuussutivummi uumaassusillit uumaatsullu tassaapput inuiaqatigiit kalaalit pigisaat.

Aalisakkat artit tamat akitsuusersorneqarnissaat pillugu Naalakkersuisut Inatsisartut inatsisissaatut siunnersuutaat ilaatigut kiilumut akigititap qanoq annertussusaa naapertorlugu procentpointinik qaffakkiartortunik naatsorsueriaaseqarluni inissisimasumik periuseqarnera aalisakkanullu artinut tamanut attuumassuteqalernera siumumiit iluarisimaaratsigu oqaatigissavarput.

Pingaaruteqartormi tassaavoq aalisakkat inuiaqatigiit pigisaat annertunerpaamik inuiaqatigiinnut iluaqutaanissaat.

Taamatut oqaaseqarluta Naalakkersuisut Inatsisartut inatsisissaattut siunnersuut aappassaaneerneqartinnani Inatsisartut aningaasaqarnermut akileraartarnermullu ataatsimiitsitaliaanni sukumiisumik suliarineqarnissaa Siumumiit inassutigaarput.

Ineqi Kielsen
Siumut